



Laipuitlang leh Ramhlun leimin tuar tan ÷anpuina pek tum

Chanmari West:19th May: Ni 16.5.2013 zan khan Chanmari West Branch YMA Executive Committee chu Pu RK. Rozidinga inah an meeting a, Ni 11.5.2013 zana Laipuitlang leh Ramhlun veng leimin tuarte ÷anpui ve nise a ti a, ÷anpuina thilpek tur hi vengchung mi ÷anpui duhna rilru pu apiangte ÷anpui theihna turin khawn lovin ÷anpuina pekna tur hmun section hrang hrangah a ruahman.

He meeting hian ÷anpuina pekna tur hmun hetiang hian a ruahman , Vanapa Sectionah - Pu VL Thakima in leh Pu T Sangkhuma Inah. Taitesena Section chuan Pu C Lalmuankima in leh Pu R Lalsangzuala inah, Chawngbawla Section chuan Pu Lalruatsanga in leh Pu Lalnunthara Sailo inah, Khuangchera Section chuan Pu Lalrinliana in leh Pu Lalliansanga (Malala) inah, Neuva Section chuan Pu Vanlalvuana in leh Pu Lalzarzova inah pek theih a ni ang. Heng bakah hian Branch YMA Relief fund a÷angin a ÷ul anga ÷anpuina pek tum a ni bawk. Heng ÷anpuina tlingkhawm hi May 28 thleng pek theih a ni ang.

Ni 8.6.2013 (Inrinni) hian kan Branch chuan thisen pek runpui neih leh tum a ni a, Section hrang hrangten mi 50 aia tlem lo ÷heuh thawhchhuah tum nise a ti a ni.

Ui leh Ar khuahkhirh hna thuneihna pumhlum YMA-te pe tura Local Council hnena dil chu remtihna hmuh a ni a, June thla a÷ang hian chak lehzual a, hmalak nise tih a ni.

YMA Park chu ÷ha leh zuala chei tum a ni a, a chei dan tur ruahmanna

lo siam turin Branch OB leh Property Sub-Committee te ruat an ni.

Kumin YMA Day lo thleng tur chu a hman dan tur Section hrang hrangah an duh dan zawh nise, an rawtna te hi Branch Committee-ah thlen leh tura tih an ni.

Pu T Ngurkhuma chuan a hna thawhnaah kaisangin Serchhip lamah sawn a ni a, lawmpuina thuziak pek nise, a hmun ruak hi Branch Executive Committee meeting leh huna rel fel tura dah a ni.

Kum 2012 -a YMA Zawlbuk laihnaa Taitesena Section inhlawhna chu ₹ 10000.00 pek rem tih a ni.

Thlanmual ram leh Thlanmuala kawngpui kal dan tur chungchang chu Chanmari Branch YMA te nen Joint meeting hun remchang neih nise tih a ni.

Kum 2015-a Silver Jubilee kan thlen tur lawmna atan Silver Jubilee Fund Raising Committee-in kumin chhunga kan Section hrang hrang chhungkua ten kan thawh dan tur chu a ruahman a, khawsak dan a zirin ₹ 1000, ₹ 500, ₹ 200 leh ₹ 100 thawh turin ruahmanna a siam a, thawhkhawm a÷ang hian ₹ 2,85,100.00 hmuh beisei a ni.

Silver Jubilee Fund khawn dawn

Kum 2015-a kan Branch YMA-in Silver Jubilee kan lawm tura kan inbuatsaihna pakhatat YMA member tinin ₹ 20 ÷heuh thawh nise tia Branch Executive meeting-in a lo pawm tawh angin Section hruaitute'n member -te hnenah an khawn mek a, member tinte'n he Fund hi ngai pawimawh a, lo pe ÷heuh turin ngen kan ni e. He Fund hi July thla chhunga khawn zawh tur a nih avangin Section hruaitute pawh ÷hahnemngai taka khawn tura ngen kan ni e.

Branch News

☺ Ni 16.5.2013 (Ninga) zan khan Executive Meeting neih a ni.

☺ Executive Member Pu RK Rozidinga, chhiat tawhna avanga Hnahthiala zin pawh dam takin a lo haw leh ta.

☺ Laipuitlang leh Ramhlun leimin tuarte tanpuinan ₹ 2000 Branch Relief Account atanga pek a ni.

☺ Laipuitlang leh Ramhlun leimin ah a ÷ul apianga thawkin ni 15.5.2013 (Nilaini) khan kan Branch a÷angin mi 150 chuang hnatlangin thawh chhuah a ni.

☺ Branch President Pu C Lalzarliana'n Hmeithai in sakna atan rawng litre 16 a rawn pe a, a chungah Branch YMA in lawmthu a sawi

☺ Ni 17.5.2013 (Zirtawp) zing khan Vanapa Section-a Pu CL Thianglima in bul step siam chhe lutuk chu Branch OB leh Vanapa Section OB te'n bialtu J.E hovin en a nia, siam ÷ha leh tura hriattir nise tih a ni.

PEM CHHUAK

1) Pi Sanglianthangi te chhung, member 4, K Sangkhuma (L) in, CH-sect a÷angin Falkland-ah

2) H Lalremsiama te chhung, member 6, Sanghnuni in, V-sect a÷angin Bethlehem ah

3) K Lalphena te chhung, member 3, K Sangkhuma (L) in, CH-sect a÷angin Chhinga vengah

AWM THAR

1) Lalnunpuia te chhung, member 3, Khawbung atangin UPC (Mz) inah.

2) Lalchhuanmawia te chhung, member 3, Zotlang atangin Pi JR Neihi in, CH-sect-ah

3) Zaihmingthanga, East Lungdar a÷angin Pi Lianthangpuii in, CH-sect-ah



TUNKAR CHANGVAWN

I thubuai chu i thenawmpa nen sawi dun ula, mi dang thuruk chu puang suh Thufingte25:9

Editorial Board

Editor:	RLalringheta	9862358337
Joint Editor :	Lalchhandama	9862358347
	JLalnangliana	9862399658
News Editor :	Thangkhuma	9862303135
	Lalchhuanmawia	9862580558
	KLalremtuanga	9862119608
Cir.Manager :	Jacob Lalrinsanga	9612319779
Production Manager :	TNgurkhuma	9436190843

Branch Office Bearer

President	<u>C. Lalzarliana</u>	9436142049
Vice President	T Ngurkhuma	9436190843
Secretary	Zairemmawia	9862385654
Asst. Secretary	RL Thanhnuna	9436152760
Treasurer	R. Lalmachhuana	9436151817
Fin.Secretary	K Darthantluanga	9436196071
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

Fur a lo thlen rual ruala Mizoram leimin kan buaipui hi chu tlangrama awm kan nih yang hrim hrim pawh hian thleng turah lo ngai ta ila, mahse fimkhur tawh loh yang leh inthlahdah vanga lo thlengin mihring nunna hial kan chan thin erawh hi chu a pawh leh zual khawp mai.

Laiputlang chhiatna lo thleng hian kawng khat talin sorkar leh mipuite thilungah hmasawna rahbi min tuksak thei hram se chuan a lawmawm deuh tur, inggaihtuah harh kan hun tawh a ni e.

Sorkar hmalakna lam chu helai veng chung chanchinbua han sawi phak rual a ni lo. Mahse hetiang tluk zet hian kan in leh lo kan din dan leh kan enkawl dan te, kan tuiche paihna leh tuiuankawr kan enkawl dante hian chhiatna nasa tak a thlen thei tho tih hriain mitinte i fimkhur ang u.

Kan veng ngat phei chu khampanga khawsa kan ni tak meuh va, tuihawk kalsual mai mai pawh hian harsatna min thlen thei tih hriain kan theih chen chena kan lo inven thiam hi a pawimawh leh zual tak zet a ni.

Tunlain kan veng chung hmasawna tura hnathawh a awm nual a, a lawmawm viau. Chutih rual erawh chuan hnathawh tha lo a awm erawh chu a pawh takzet a ni. Veng hmangaihna thilung pu chung, kumkhaw rotling ngei tura thawh ni hlawm se a va lawmawm dawn em!

Heng zawng zawng khaihawmna chu Ram leh Hnam Humhalh bawh hi a ni leh thin. Kan Ram, kan Veng, Mizo Hnam tan aw.

Article:

nihna kawng khat chu, ram hruaitute thlang thei (Vote pe thei) a Electoral Roll a awm hi a ni. Hemi a nih avang hian a bik takin khawchhak lam unaute (foreigner) hian theitawp chhuahin hma an la ngar ngar thin a, a bik takin YMA-te'n an lo dang yang yang thin a, a lawmawm hle a ni. Tan la thar zel ang u. Amaherawhchu, hei hi ka sawi duh - Hnam humhalh a tul avanga kan in luah, kan thenawm nu leh pate, dan lova E-Roll-a an luh mai loh nana hrehawm ti taka hmalak a nihlai a, an vote duh avanga an luh theih dan lo buaipui thin kan la awm zel hi YMA chuan a duh lo takzet a, sim hmak tawh nise, i tang tlang zawk ang u.

neih theihna kawng khat-Birth Certificate hi a khawihute'n Ram leh Hnam humhalhna pawimawh tak a ni tih hriain, dik tak leh fimkhur taka pek chhuah thin nise.

section tina Village Census Register kan neih thin hi khua leh tui dikte hriatchianna a nih avangin a lo va hlu tak em. A hlutna hi hre nawn thar zelin, mi leh sa kan inchianna hi ram leh hnam humhalhna pawimawh tak a ni. Hei hian hmalak ngaihnaah rang takin hma min laktir thei thin. Section tin ten i vawng nung (update) zel ang u.

sus aia nep chuang lo, tute nge khuahkhirh a, enthlak ngaite zawnchhuahna awlsam ber a nih avangin ngai pawimawhin i vawng nung zel ang u.

(Economics Assimilation)

YMA dan bu - Bung 9 : 6 - ah chuan 'Mahni intodelh hi zahawmna leh

- Sawm Sawmi Pu

huaisenna a ni tih hriain mite bantu ni lova, mite tanpuitu ni thei turin mahni kein ka ding thei tur a ni' tih thuthlungah neih a ni. Hnam anga chimral nih awlsamna leh hlauhawmna ber pakhat chu ei bar zawna kawng (Economics Assimilation) hi a ni. Kan hriat theuh angin hnam dinchhuah nan intodelh a pawimawh, mimal, chhungkua leh ram intodelh lo tan chuan thuneih leh huaisen a theih loh. A nei leh intodelhte thuneihna khawvel a nih avangin hemi kawngah hian Mizo mipuite theitawp chhuaha tanlak a ngai takzet a ni. A pawimawh ber chu TAIHMAK a ni. Kan Bible ngei pawhin 'Thawk peih lo chuan ei pawh ei suh se' a ti mai a ni.

Hna sang leh zahawm nia ngaih te hi kan thiamna leh finna in a phak lo a nih pawhin, kan chhehvela kan unaute ni loa kan ngaih leh hmuh thin - Vaichhia kan tihte leh Nghapih unaute chevel hi han thlir mah teh, an taihmak avanga nakin lawka ka pi/ka pu kan tih mai tur leh kan lo tih tawh tamtak awm te avang hian ' Nang, Thatchhepa, fanghmir tihdante chhut la, fing rawh' (Thuf. 6:6) tih thu te a taka kan chan a va ngai tawh tak em! Mut thlahlel suh, chimralin i awm palh hlauh ang e.

Aw le, keini ang duang tan pawh sawi tur tamtak a awm laiin, Chiang tak leh fiah takin sawi thiam lo mah ila, ka han tarlan kimchang lo tak te hian a buk thelh chuan a thelh em lo turah thahnemngaihna avangin ka'n ngai ngawt a. Tu pa tanngtaiin emaw ni 'A thalaite a awm chuan mal min sawmsak ang che' a tih ang deuhin, chhiartuten a thalai apiangah kan kompan hlawhtlin nan mal lo sawm a, thahnemngai taka tan la turin kan han insawm a ni.

Nang leh kei Mizo chhulchhuak ngei hi Mizoram leh hnam mamawh thlani

Chawngbawla Section

□ Ni 15.5.2013-a Laipuitlang chhiah tawhnaa an section member thawkchhuak zawng zawngte chungah hruaitute an lawm hle.

□ YMA AW man, Chhiahni Fund leh Chawngbawla Run Fund an khawn chhonzawm zel a, bial vawngtute mahni bial theuhah tan la leh zual turin an inngen.

□ K. Lalmuanpuii d/o K Zothansanga chuan Class 12 1st Division-ah a pass-a, Mizo Subject-ah a hmusang ber a, an lawmpuii hle.

Khuangchera Section

□ Kar leh hun remchangah meeting neih tum a ni a, hruaitute hunawl lo insiam turin an inchah.

□ Ni 11.5.2013 (Inrinni) khan Asst Secy Tv F Lalhruaitluanga te kawmthlang leimin thianfaiin an hnatlang.

□ Electric bill leh Tui bill khawntu hruaitute a ranglama tifel turin an inchah.

□ Chhungtinte tui chhe paihna felfai taka enkawl turin an inngen.

□ Ni 18.5.2013 (Inrinni) khan Khuangchera Run siam tha leh extend-in nilengin hnatlang an nei.

□ Rangvamual leh Phunchawnga hnam dangawmte enfiahnah an Leader a tel.

Neuva Section

□ Tunkar hun remchang hmasa berah Committee neih tum a ni.

□ YMA Member, Silver Jubilee budget ₹ 20 khawn mek a ni a. YMA member-te ngai pawimawh turin an inchah.

□ Section chungah YMA Census neih mek a ni a, Epic No. ziah chhuah ngei tha tih a nih avangin chhungtinte Voters ID card nen a lo inring turin an inngen.

□ Chhungtinte mahni in leh a vel fai taka vawng turin an inngen.

□ Section chungah In sa mek, Luikawr siam leh Lungrem ten sulhnute thianfai leh theuh turin an inngen.

Taitesena Section

□ Member tlawhchhuah programme chu hman zawh a ni ta a. Member leh hruaitute inkarah inpawhna tha tak leh activities hrang hrangah hmasawna an hmuh ngei an beisei.

□ Branch YMA Silver Jubilee lawm nan member tinah ₹ 20 khawn mek a ni a. Khawn zo tawh ten Section Finance Secretary Tv. Malsawmtluanga hnenah theh lut turin an inhriattir.

□ Ni 24.5.2013 (Zirtawp) zana Nu leh pa leh hruaitu inkawm khawmna hun neih turah in tin atangin nu/pa emaw chhungkaw aiawh tel ngei turin an inhriattir.

□ YMA AW leh Chhiahni Fund la tifel lote'n a rang lama tifel turin an inhriattir.

□ Pu Lalbiaksiana Colney in, Pu Lalnunmawia Renthlei luah lai in chung leh vantlang step-ah thutkhawm khap tlat a ni a, tin, buaina siam chingte chungah action na taka lak a ni ang.

□ Chhungtinte mahni in leh a vel vawng fai turin an inchah.

□ Year Plan tihhlawhtlin tawhte :

1. Member tlawhchhuah
2. Section huam chhunga Bawlhhlawh Bawm dah.
3. Section huam chhunga Fainalam hawi Hording tar.
4. Nu leh Pa leh Section hruaitute inkawm ho.

Vanapa Section

□ HSSLC pass- Annie Zothansangi d/o Lalawmpuii - II Div (Sc)

□ UD&PA atangin Vanapa Run bul footpath siamna tur ₹ 52,900/- hmuh a ni a. Hun remchang hmasa berah hnathawh tan tur ni a. Hemi a hma lak saktu Bialtu MLA leh Pu RL Thanhnuna, Branch Asst. Secretary chungah lawmthu an sawi

□ AMC atangin zun in siamna tur ₹ 25000/- an hmuh atangin zun in tha tak, kaw hnih siamin hna an thawk mek. Hnatlang hi vawi eng emaw zat thawh tawh a ni. Ni 18.5.2013 (Inrinni) khan nileng hnatlang neih a ni.

□ Pu Vanlalpeka Fanai s/o Saithanchhunga (L) te chungkua in rawra leh lung engemawzat zun in siamna atan a pek avangin a chungah an lawm hle.

□ Tunkar hun remchangah Committee koh tum a ni a, hruaitute hun awl lo insiam turin an inhriattir.

□ Section chungah Ui leh Ar chhuak hmuh tur a tam leh ta hle a, Local Council thu angin man theih an ni a. Ui leh ar vulh tute an ranvulh khuahkhirh turin an hriattir.

YMA ZAIPAWL

August ni 13-15, 2013 chhunga Pu Rokunga Hla hmanga Branch YMA te Zaipawl intihsiakna a buatsaihna tur atan zaipawl member 49 leh Conductor 3 te chuan ni 15.5.2013 (Nilai) zan atang khan hla an zir tan.

Ni 22.5.2013 (Nilai) zan inkhawm ban hian zir leh tur a ni a, member-te'n he hun hi ngai pawimawh turin an inngen.

YMA Zaipawl member-te

Dawngkima, Dr. David Malsawmkima, Dr. Lalthanliana Ngente, K Hmingthanzauva, Lalmingsanga Pautu, Jacob Vanneihluanga, David Vanlalpeka, Vanlalremliana, K Lallungmuana, R Lalrinnggheta, C Lalnunfela, Vanlalawmpuia, R Laltlansanga, Zonunthara, Ricky Lallawmkima, Francis Lalruatfela, H Lalremtluanga, Lalrinmawia Hauhna, Lalmingmawia, David Lalramnghaka, K Lalawmpuia, Vanlalawmpuia, Lallawmkima, Lalrinhlua, H Lalrinthanga, Lalrinzuala

Renthe, Lalrintluangi, Janet Malsawmtluangi, PC Lalhmangaihi, Lucy Zoliani, Melody Lalhriatkimi, Lalbiakzuali, Chuaizikpuii, C Lalrinsangi, K Lalruatsangi, Vanlalzawni, K Zosangzuali, Malsawmtluangi, Biakhlimpuii, Jenny VL Dinpuii, Lalremtluangi (Nutei), Lalawmpuii, Zodintluangi, Lalchhandami Pachuau, C Zomuankimi, Lalchhandami Tochwawng.

ZOFA

□ Ni 18.5.2013 (Inrinni) zan khan Lam Zir runpui an buatsaih chu an khar. Veng chung thalai mi engemaw zatin Mizo Hnam lam chi 6 lai an thiam thar chu an lawm hle. Lam zir thin zawng zawngte leh a zirtirtute chungah lawmthu an sawi.

□ Lam zirna atana Indoor Stadium hmantirtu Indoor Management Committee chungah leh Zawlbuk hmantirtu Branch YMA chungah lawmthu an sawi.

CVTIP

Library chung tur Rangva Bundle 5 bialtu MLA in a pe a. Thawhtanni khan lakchhuah niin Library-ah dahfel a ni tawh a. Hun remchang khaw tuihul deuhah hmalak an tum a. Hemi atan hian hruaitute lo inring turin an inhriattir.

Library-a lehkhahu hawh chhuaktute a hun taka an lehkhahu hawhte dah thin turin an hriattir a. Library hi Inrinni apiangin chawhma dar 10:00 atanga chawhnu dar 2:30 thlenga hawn thin a ni. Hemi hun chhung hian lehkhahu hawh, dah leh member ni duhte tan Registration tih theih reng a ni.

Pawl bungrua/ bungbel hawh duhte tan Property in-charge address-a dilna siamin pawl bungrua/ bungbelte hawh chhuah theih a ni a. Heng pawl bungrua/ bungbelte hi dimdawi tak leh felfai taka enkawl a, a hun takah dah leh tur a ni.

CWSC

Ni 17.5.2013 (Zirtawp) zan khan TT Hall-a hruaitute an thlang a, an thlan chhuahte chu :

- President : Pu T Bualzika Sr.V President: Pu C Lalthanzuala
- V. President : Pu H Lalramhluna
- G. Secretary : Tv Hmingthansanga
- Jt. Secretary : Tv Israela
- Asst. Secy. : Pu Lalbiakhlua
- Treasurer : Pu Vanlalhluta
- Fin. Secy. : Pu Lalliansanga

Inthlan naa kal member zawng zawngte chungah lawmthu an sawi.
MPL Playoff khel turin an inbuatsaih mek.

Pawisa chhar a ni a, a tibo chuan ni 21.5.2013 (Thawhlejni) aia tlai lohah a hnuai Phone number-ah hian zawhfiah thei a ni e.
9862126303

Badminton

Ni 18.5.2013 (Inrinni) khan Govt Mizo High School Hall-ah Chanmari badminton Club-te nen One Day Tournament khelin hun hlimawm tak an hmang.

Ni 23-25.5.2013 chhungin Govt Mizo High School Hall-ah Aizawl North Zone Badminton Association buatsaih Tournament khel turin an inbuatsaih mek.

Veng chhungmi infiamnaa hlawhtlingte an lawmpui rualin an kal zelna turah duhsakna an hlan.

Silver Jubilee Sub-Committee

Ni 14.5.2013 zan khan Pu Lalnunthara Sailo inah meeting a ni.

Kan veng MAP siam tum a ni a, thurawn pek tur nei tan Pu Rollick Lalnunthuanga Taitesena Section hnenah pek theih a ni.

Silver Jubilee lawmna tur atan thlalak hlui leh thar hrang hrang mamawh a ni a, pek tur nei chuan Pu Lalnunthara Sailo - 9612153088, Tv B Lalsawmzuala - 9436141868 leh Tv. C Lalhmangaiha - 9615471892 te hnenah in hriattir theih chuan an lawm hle ang. Thlalak hi facebook lamah pawh thawn theih a ni.

BLESSING PHARMACY

Natna chi hrang hrang nei tan Doctor (General) rawn theihin a awm ta.

Zing : 6:30 - 8:30
Tlai : 5:00 - 7:00
Proprietor

Zodinpua Sailo
Ph. : 9862363500
Hunthar leh Chanmari West Peng\huam HT/1A (2-1)

Chanmari West Football team

Chanmari West team chuan ningani khan NECS Cup, inter vil-lage tournament second round-ah 16-0 in Pehlawn an hneh a, tun thawhlejni tlai dar 2 hian Durtlang Leitan nen third round an khel ang.

Pehlawn lakah H Lalnunzira'n wavi riat khungin tournament kal meka inkhel tum khata thun tam ber a ni a, Racy K Lalremmawia'n goal li thunin Lalremruata, Zion Lalramluaha, Brandon VL Remdikten tum khat theuh an khung bakah Pehlawn player Richard Lalmuanpuia'n an lamah a tilut bawk.

Chanmari West team hi coach Pu Zohmingliana leh assistant coach Tv Hmingthansangate'n enkawlin, manager pahnih Pu H Lalramhluna leh Pu H Vanlalvenate'n an vil a ni.

Chanmari West team hi champion ngei tumin an inbuatsaih a, tha taka bul an fan avangin inrintawknang sang tak nen an khelz zui zel Tv Hmingthana'n a beisei a, veng mipuite tawiawmna a ngen nghal bawk a ni.

LOGO INSIAMSIK

Kum 2015 Silver Jubilee pualin LOGO Insiamsiak buatsaih a ni a, Ni 15.8.2013 thleng thehluh theih a ni. Mi pakhatin pakhat aia tam siam theih a ni a, a duh tan Facebook lamah thawn theih a ni ang. Hemi atanga thlan chhuah hnenah Lawmman tha tak pek a ni ang. LOGO design-te hi Pu R. Lalhmachhuana Vanapa Section leh Pu J. Lalnangliana Chawngbawla Sectionah thehluh theih a ni ang.

PUANTHUI KHAWL SIAM THIAM

Puanthui khawl puan engpawh \hui thei turin ka Siamthei reng e. Gas Stove pawh ka la siamthei reng e.

Puan\hui khawl a chhuak hmasa puan pawh nalh tak tak a \huithe tlawmte a lei tur pawh ka nei e. Han thlang ve rawh le.

Khawl Gas Stove Siam mamawh chuan han phone la ka rawn pan mai dawn che nia.

Save rawh le LH Chawngthu
9612322639. (3-2)

THALAI TE TANA THU LAWMAWM

Central Sorkar hmalaknain IndiaSkills, Aizawl ah Hotel Management, thla 3 Training Course a awm a. Heng certificate te hi khawvel ram hrang hrang 188 -a hna zawn theihna an ni :

Certificates in

Edn. Qualification

- 1. Front Office Operations Pawl 12 pass leh a chunglam
- 2. Food & Beverages Pawl 10 pass leh Services a chunglam
- 3. Housekeeping Pawl 8 pass leh a chunglam.

Course Fee a ngai lo. A hnuai telephone ah hian zawhfiah theih a ni.
Seat a tam lova, hmanhmawh a ngai.

(2-1) **Contact : 9862070550,9436140767,8414965283**